

Uunga siunnersuut: Grønlands tekniske Organisationi pillugu Inatsisartut peqqussutaata nr. 8, 19. december 1986-imeersup allanngortinneqarnissaa pillugu Inatsisartut inatsisaat

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Saqqummiussissut

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Siullermeerinninneq

Naalackersuisut sinnerlugit matumuuna uunga siunnersuut "Grønlands tekniske Organisationi pillugu Inatsisartut peqqussutaata nr. 8, 19. december 1986-imeersup allanngortinneqarnissaa pillugu Inatsisartut inatsisaat" saqqummiutissavara.

Nukissiorfiit mingutsitsinngitsumut allanngoriartortitsinermi inuiaqatigiinni qitiusumik suliaqartuusutut annertuunik aqutsinikkut periarfissaqarpoq anigorniagassaqlunilu. Nukissiaq mingutsitsinngitsoq pisortat nukissiamik pilersuineranni sapinngisamik initunerpaassasoq, kissaatigaarput. Tamatumunnga nukissiamik ataavartumik nutaanik pitsaasunillu aaqqiissutissarsinissaq pisariaqarpoq.

Peqatigisaanik Nukissiorfiit annertuunik iluarsaassinissamut kinguaatoruteqarpoq kiisalu annertuunik nutaanik aningaasaliinissamik pisariaqartitsilluni.

Periarfissat anigorniagassallu taakkua pissutigalugit Naalackersuisut aamma Nukissiorfiit akornanni pisariinnerusumik suliaassanik agguaanissaq pisariaqarpoq.

Taamaalilluni allannguutissatut siunnersuummi siunertaavoq, Nukissiorfinnut siulersuisoqlunilu pisortaataqarlunilu marlunnik ingerlavilimmik aqutsinermut ilusiliinissamut pisariaqartumik inatsimmi tunngavissaqalersitsinissaq.

Siunnersuutip atuutilernerani Nukissiorfiit aqutsisui siunissami tassaalissapput siulersuisut, pingaarnertigut periusissatigullu aqutsinermik ilapertuutaassapput aammalu pisortaatat ulluinnarni aqutsinermik isumannaarisuusut. Siulersuisut katitigaarneranni Nukissiorfiit inuiaqatigiinni suliaassanik isumaginnittuonera, aammalu suliffeqarfik suli suliffeqarfittut imminut ingerlatsitatut aaqqissuussaaginnassasoq, takuneqarsinnaassapput.

Naalackersuisut Nukissiorfinnut nukissiornermut naalackersuinikkut killissaliussanik suli aalajangersaasassapput.

Taakkua iluanni Nukissiorfiit suliffeqarfimmi aningaasaqarnikkut sunniuteqarluartitsiniarluni nammineerluni atugassiisinnaassaaq.

Taamatut oqaaseqarlunga Naalackersuisut sinnerlugit siunnersuut Inatsisartuni kajumittumik suliaassanngortippara.